

四庫全書薈要

• 乾隆御覽本

史部

水經注卷九

後魏 酈道元 撰

清水 沁水 淇水

蕩水 洹水

清水出河內脩武縣之北黑山

黑山在縣北白鹿山東清水所出也上承諸陂散泉
積以成川南流西南屈瀑布乘巖懸河注壑三十餘

丈雷赴之聲

案赴近刻作扑

震動山谷左右石壁層深

案近刻脫

石獸跡不交隍中散水霧合視不見底南峰北嶺多

結禪栖之士東巖西谷又是剎靈之圖竹栢之懷與

神心妙遠

案近刻訛作達

仁智之性共山水效深更爲勝處

也其水歷澗飛流

案飛流近刻訛作流飛

清冷洞觀謂之清水

矣溪曰瑤溪又曰瑤澗清水又南

案近刻脫清字

與小瑤水

合水近出西北窮溪

案西下近刻行溪字

東南流注清水

案注下近

刻行清水又東南流吳澤陂水注之水上承吳陂于

脩武縣故城西北脩武故甯也亦曰南陽矣

案南近
引訛作

朝馬季長曰晉地自朝歌以北至中山爲東陽朝歌

以南至軹爲南陽故應劭地理風俗記云河內殷國也周名之爲南陽又曰晉始啟南陽今南陽城是也秦始皇改曰脩武徐廣王隱並言始皇改璚注漢書

云案韓非書秦昭王越趙長平

案近刻
脫趙字

西伐脩武時

秦未兼天下脩武之名久矣余案韓詩外傳言武王伐紂勒兵于甯更名甯曰脩武矣魏戲子田大陸還

卒于甯是也漢高帝八年封都尉魏邀爲侯國亦曰

大脩武有小故稱大小脩武在東漢祖與滕公濟自

玉門津而宿小脩武者也大陸即吳澤矣魏土地記

曰脩武城西北二十里有吳澤水

案澤近刻訛作溝

陂南北

二十許里東西三十里

案西近刻訛作則

西則長明溝入焉

案近刻訛作

蔡溝入焉

水有二源北水上承河內野王縣東北

界溝分枝津爲長明溝

案近刻訛作爲長明溝分枝津

東逕雍城南

寒泉水注之水出雍城西北泉流南注逕雍城西春

秋僖公二十四年王將以狄伐鄭富辰諫曰雍文之

昭也京相璠曰今河內山陽西

案山上近刻衍出字

有故雍城

又東南注長明溝溝水又東逕射大城北漢大司馬

張揚爲將揚醜所害眭固殺醜屯此

案眭近刻訛作眭下同

欲

北合袁紹典畧曰眭固字句菟或戒固曰將軍字菟

而此邑名犬菟見犬其勢必驚宜急去固不從

案固近刻

訛作菟

漢建安四年

案近刻訛作興平四年

魏太祖斬之于此以

魏种爲河內太守守之沅州叛太祖曰惟种不棄孤

及走太祖怒曰种不南走越北走胡不汝置也射天
平禽之公曰惟其才也釋而用之

案惟近刻
訛作難

長明溝

水東入石澗

案長上近
刻行故字

東流蔡溝水入焉水上承州

縣北白馬溝東分謂之蔡溝

案謂近刻
訛作爲

東會長明溝

水又東逕脩武縣之吳亭北東入吳陂次北有苟泉
水入焉水出山陽縣故脩武城西南同源分派裂爲
二水南爲苟泉北則吳瀆二瀆雙導俱東入陂山陽
縣東北二十五里有陸真阜南有皇母馬鳴二泉東

南合注于吳陂也次陸真阜之東北得覆釜堆堆南

有三泉相去四五里參差次合

案近刻訛作合次

南注于陂

泉在濁鹿城西建安二十五年魏封漢獻帝爲山陽

公濁鹿城即是公所居也陂水之北際澤側有隕城

案近刻訛作陂澤側有隕地也

春秋隱公十一年王以司寇蘇忿生

之田攢茅隕十二邑與鄭者也

案近刻訛作王以攢茅隕十二邑與司寇

蘇忿生者也

京相璠曰河內脩武縣北有故隕城實中今

世俗謂之皮垣方四百步實中高八丈際陂北隔水

十五里俗所謂蘭丘也方二百步西十里又有一丘

際山

案山近刻
訛作坡

世謂之勅丘方五百步形狀相類疑

即古攢茅也杜預曰二邑在脩武縣北所未詳也又

東長泉水注之源出白鹿山東南伏流逕十三里重

源濤發于鄧城西北

案此下近刻又有東
南伏流四字係衍文

世亦謂之

重泉水也又逕七賢祠東左右筠篁列植冬夏不變

貞萋魏步兵校尉陳留阮籍中散大夫譙國嵇康晉

司徒河內山濤司徒琅邪王戎黃門郎河內向秀建

威參軍沛國劉伶始平太守阮咸等同居山陽結有
得之遊時人號之爲竹林七賢

案此下近刻有也字

向子期所

謂山陽舊居也後人立廟于其處廟南又有一泉泉
南流注于長泉水郭緣生述征記所云白鹿山東南
二十五里有嵇公故居以居時有遺竹焉蓋謂此也
其水又南逕鄧城東名之爲鄧瀆又謂之爲白屋水
也昔司馬懿征公孫淵還達白屋即于此也其水又
東南流逕隕城北又東南歷澤注于陂陂水東流

案陂

近刻訛 謂之八光溝而東流注于清水謂之長清河

作泉

而東周永豐塢

案近刻訛作城

有丁公泉發于焦泉之右次

東得焦泉泉發于天門之左天井固右

案近刻訛作石

天門

山石自空狀若門焉廣三丈高兩匹深丈餘更無所

出世謂之天門也東五百餘步中有石穴西向裁得

容人

案此下近刻有平得二字係衍文

東南入徑至天井直上三匹

有餘扳躡而升至 upper 平東西二百步

案東字近刻訛在平字上

南

北七百步四面險絕無由升陟矣上有比丘釋僧訓

精舍寺有十餘僧

案有十近刻
訛作十有

給養難周多出下平

有志者居之寺左右雜樹疎頌

案近刻
作挺

有一石泉方

丈餘清水湛然常無增減山居者資以給飲北有石

室二口舊是隱者念一之所今無人矣泉發于北阜

南流成溪世謂之焦泉也

案近刻
脫之字

次東得魚鮑泉次

東得張波泉次東得三淵泉梗河參連

案河近刻
訛作柯

女

宿相屬是四川在重門城西並單川南注也重門城

昔齊王芳爲司馬師廢之宮于此即魏志所謂送齊

王于河內重門者也城在共縣故城西北二十里城

南有安陽陂次東又得卓水陂次東

案次近刻訛作穴

有百

門陂

案近刻作北門陂

陂方五百步在共縣故城西漢高帝

八年封盧罷師爲共侯

案近刻訛作封旅罷師爲共嚴侯國

即共和之

故國也共伯既歸帝政逍遙于共山之上山在國北

所謂共北山也仙者孫登之所處袁彥伯竹林七賢

傳嵇叔夜嘗採藥山澤遇之于山冬以被髮自覆夏

則編草爲裳彈一絃琴而五聲和其水三川南合

謂之清川又南逕凡城東司馬彪袁山松郡國志曰共

縣有凡亭

案近刻訛作汎亭

周凡伯國春秋隱公七年經書

王使凡伯來聘是也杜預曰汲郡共縣東南有凡城
今在西南其水又西南與前四水總爲一瀆又謂之
陶水南流注于清水清水又東周新豐塢又東注也
東北過獲嘉縣北

漢書稱越相呂嘉反武帝元鼎六年巡行于汲郡中
鄉得呂嘉首因以爲獲嘉縣後漢封侍中馮石爲侯

國縣故城西有漢桂陽太守趙越墓冢北有碑越字
彥善縣人也累遷桂陽郡五官將尚書僕射遭憂服
闋守河南尹建寧中卒碑東又有一碑碑北有石柱
石牛羊虎俱碎淪毀莫記清水又東周新樂城城在
獲嘉縣故城東北即汲之新中鄉也

案之近刻
訛作水

又東過汲縣北

縣故汲郡治晉太康中立城西北有石灰水飛湍濬

急

案此下近
刻行也字

人亦謂之磻溪言太公嘗釣于此也

案
嘗

近刻說

作常

城東門北側有太公廟廟前有碑碑云太公

望者河內汲人也縣民故會稽太守杜宣白令崔瑗

曰太公本生于汲

案本近刻作甫

舊居猶存君與高國同宗

太公載在經傳今臨此國宜正其位以明尊祖之義

于是國老王喜廷掾鄭篤功曹邠勤等咸曰宜之遂

立壇祀爲之位主城北三十里有太公泉泉上又有

太公廟廟側高林秀木翹楚競茂相傳云太公之故

居也晉太康中范陽盧無忌爲汲令立碑于其上太

公避紂之亂屠隱市朝邀釣魚水何必渭濱然後磻
溪苟懷神心曲渚則可磻溪之名斯無嫌矣清水又
東逕故石梁下梁跨水上橋石崩褫餘基尚存清
水又東與倉水合水出西北方山

案近刻
訛作上

山西有倉

谷

案近刻
訛有字

谷有倉玉珉石故名焉其水東南流潛行地

下又東南復出俗謂之電水東南歷塋野自朝歌以
南南暨清水土地平行據臯跨澤悉塋野矣郡國志
曰朝歌縣南有牧野竹書紀年曰周武王率西夷諸

侯伐殷敗之於姆野詩所謂姆野洋洋榷車煌煌者

也有殷大夫比干冢前有石銘題隸云殷大夫比干

之墓所記惟此今已中折不知誰所誌也太和中高

祖孝文皇帝南巡親幸其墳而加弔焉刊石樹碑列

于墓隧矣甃水又東南入于清水清水又東南逕合

城南故三會亭也以淇清合河故受名焉清水又屈

而南逕鳳皇臺東北

案鳳近刻
訛作屬

南注也

又東入于河

謂之清口

案近刻訛作河

即淇河口也蓋互受其名耳地理志

曰清河水出內黃縣南無清水可來所有者惟鍾

是水耳蓋河徙南注清水瀆移匯流逕絕

案近刻訛作惟

餘目猶存

案近刻脫此二字

故東川有清河之稱相嗣不斷

案此下近刻有目尚存故東川六字係衍文重出

曹公開白溝過水北注方

復故瀆矣

沁水出上黨涅縣謁戾山

案涅近刻訛作沮

沁水即涅水也

案涅近刻訛作洎

或言出沁縣羊頭山世

靡谷三源奇注逕瀉一隍又南會三水歷落出左右
近溪參差翼注之也

南過穀遠縣東又南過陟氏縣東

案陟氏屬上黨陟氏屬河東原本及近刻

陟並訛作猗注

內同今改正

穀遠縣王莽之穀近也沁水又南逕陟氏縣故城東
劉聰以詹事魯繇爲冀州治此也沁水又南歷陟氏
關又南與羈羈水合水出東北巨駿山乘高瀉浪觸
石流響世人因聲以納稱西南流注于沁沁水又南

與秦川水合水出巨駁山東帶引衆溪積以成川又西南逕端氏縣故城東昔韓趙魏分晉遷晉君于端氏縣即此是也其水南流入于沁水

又南過陽阿縣東

沁水南逕陽阿縣故城西魏土地記曰建興郡治陽阿縣郡西四十里有沁水南流沁水又南與護澤水合水出護澤城西白澗嶺下

案近刻脫護字

東逕護澤墨子

曰舜漁護澤應劭曰澤在縣西北又東逕護澤縣故

城南蓋以澤氏縣也竹書紀年梁惠成王十九年晉

取玄武護澤者也其水際城東注又東合清淵水水

出其縣北

案縣近刻
訛作城

東南逕護澤城東

案近刻作
經澤城東

又

南入于澤水澤水又東得陽泉口水出鹿臺山

案水
字近

刻訛在
口字上

山上有水淵而不流其水東逕陽陵城南即

陽阿縣之故城也漢高帝七年封卞訢爲侯國水歷

嶠嶢山東

案近刻訛作
焦嶠山東

下與黑嶺水合水出西北黑

嶺下即開隘也其水東南流逕北鄉亭下

案鄉近刻
訛作鄉

又東南逕陽陵城東南注陽泉水

案注近刻訛作逕

陽泉水

又南注濩澤水澤水又東南

案此下近刻衍又字

有上澗水注

之水導源西北輔山東逕銅于崖南歷析城山北山

在濩澤南禹貢所謂砥柱析城至于王屋也山甚高

峻上平坦下有二泉東濁西清左右不生草木數十

步外多細竹其水自山陰東入濩澤水濩澤水又東

南注于沁水沁水又東南陽阿水左入焉水北出陽

阿川南流逕建興郡西

案近刻訛作而

又東南流逕午壁亭

東而南入山其水沿波漱石

案其水二字近刻訛在又東南流句之上

湫

澗八丈環濤輟轉西南流入于沁水沁水又南五十

餘里沿流上下步徑裁通

案徑近刻訛作逕

小竹細筍被于

山渚蒙籠茂密奇爲翳薈也

又南出山過沁水縣北

沁水南逕石門

案此下近刻衍也字

謂之沁口魏土地記曰河

內郡野王縣西七里有沁水左逕沁水城西附城

東南流也

案原本此下有南逕石門四字係衍文

石門是晉安平獻王

司馬孚之爲魏野王典農中郎將之所造也按其表

云臣孚言臣被明詔興河內水利臣既到檢行沁水

源出銅鞮山

案鞮近刻
訛作堤

屈曲周廻水道九百里自太

行以西王屋以東層巖高峻天時霖雨衆谷走水小

石漂迸木門朽敗稻田汎濫歲功不成臣輒按行去

堰五里以外方石可得數萬餘枚臣以爲累方石爲

門

案近刻
脫累字

若天賜旱

案賜近
刻作亢

增堰進水若天霖雨陂

澤充溢則閑防斷水空渠衍滂足以成河雲雨由人

經國之謀暫勞永逸聖王所許願陛下特出臣表勅

大司農府給人工勿使稽延以贊時要臣等言詔書
聽許於是夾岸累石結以為門用代木門枋故石門

舊有枋口之稱矣溉田頃畝之數間二歲月之功

案間

二訛舛朱謀埠云當作間闕

事見門側石銘矣水西有孔山山上

石穴洞開穴內石上有車轍牛跡耆舊傳云自然成

著

案著近刻訛作者

非人功所就也其水南分爲二水一水

南出爲朱溝水沁水又逕沁水縣故城北

案沁水縣近刻脫水

字

蓋藉水以名縣矣春秋之少水也京相璠曰晉地

矣又云少水今沁水也沁水又東逕沁水亭北世謂

之小沁城沁水又東

案近刻脫又字

右合小沁水水出北山

臺澍澗南流爲臺澍水東南入沁水

案東南近刻訛作南東

沁

水又東倍澗水注之水北出五行之山南流注于沁

水

又東過野王縣北

沁水又東邪水注之

案邪近刻訛作刊下同

水出太行之阜山

即五行之異名也淮南子曰武王欲築宮于五行之

山周公曰五行險固德能覆也內貢迴矣使吾暴亂
則伐我難矣君子以爲能持滿高誘云今太行山也
在河內野王縣西北上黨關詩所謂徒矻野王道傾
蓋上黨關即此山矣其水南流逕邗城西故邗國也
城南有邗臺春秋僖公二十四年王將伐鄭富辰諫
曰邗武之穆也京相璠曰今野王西北三十里有故
邗城邗臺是也今故城當太行南路道出其中漢武

帝封李壽爲侯國邗水又東南逕孔子廟東廟庭有碑魏太和元年孔靈度等以舊宇毀落上求脩復野王令范衆愛河內太守元真刺史咸陽公高允表聞立碑于廟治中劉明別駕呂次文

案近刻作父

主簿向班

虎荀靈龜以宣尼大聖非碑頌所稱宜立記焉云仲尼傷道不行欲北從趙鞅聞殺鳴鐸

案近刻作犢

遂旋車

而反及其後也晉人思之于太行嶺南爲之立廟蓋往時迴轅處也余按諸子書及史籍之文並言仲尼

臨河而歎曰丘之不濟命也夫是非太行迴轅之言也碑云魯國孔氏官于洛陽因居廟下以奉蒸嘗斯言是矣

案是近刻訛作至

蓋孔氏遷山下

案氏近刻訛作因

追思聖

祖故立廟存饗耳其猶劉累遷魯立堯祠于山矣非謂迴轅于此也邗水東南逕邗亭西京相璠曰又有亭在臺西南三十里今是亭在邗城東南七八里蓋京氏之謬耳或更有之余所不詳其水又南流注于沁沁水東逕野王縣故城北秦昭王四十四年白起

攻太行道絕而韓之野王降始皇拔魏東地置東郡

衛元君自濮陽徙野王

案濮近刻
訛作漢

即此縣也漢高帝

元年爲殷國二年爲河內郡

案近刻
脫郡字

王莽之後隊縣

曰平野矣魏懷州刺史治皇都遷洛

案近刻
訛作治

省州復

郡水北有華嶽廟廟側有攢栢數百根對郭臨川負

岡蔭渚青青彌望奇可翫也懷州刺史頓丘李洪之

之所經構也廟有碑焉是河內郡功曹山陽荀靈龜

以和平四年造天安元年立沁水又東朱溝枝津入

焉又東與丹水合水出上黨高都縣故城東北阜下
俗謂之源源水山海經曰沁水之東有林焉名曰丹
林丹水出焉即斯水矣丹水自源東北流又屈而東
注左會絕水地理志曰高都縣有莞谷丹水所出東
南入絕水是也絕水出洺氏縣西北楊谷故地理志
曰楊谷絕水所出東南流左會長平水水出長平縣
西北小山東南流逕其縣故城洺氏之長平亭也史
記曰秦使左庶長王齕攻韓取上黨上黨民走趙趙

軍長平使廉頗爲將後遣馬服君之子趙括代之秦
密使武安君白起攻之括四十萬衆降起起坑之于
此上黨記曰長平城在郡之南秦壘在城西二軍共
食流水澗相去五里秦坑趙衆收頭顱築臺于壘中
因山爲臺崔嵬築起今仍號之曰白起臺城之左右
沿山亘隰南北五十許里東西二十餘里悉秦趙故
壘遺壁舊存焉漢武帝元朔二年以封將軍衛青爲
侯國

案近刻
脫國字

其水東南流注絕水絕水又東南流逕

涇氏縣故城北竹書紀年曰晉烈公元年趙獻子城
涇氏絕水東南與涇水會水導源縣西北涇谷東流
逕一故城南俗謂之都鄉城又東南逕涇氏縣故城

南

案近刻
脫縣字

世祖建武六年封萬普爲侯國而東會絕

水亂流東南入高都縣右入丹水上黨記曰長平城
在郡南山中丹水出長平北山南流秦坑趙衆流血
丹川由是俗名爲丹水斯爲不經矣丹水又東南流
注于丹谷即劉越石扶風歌所謂丹水者也晉書地

道記曰縣有太行關丹溪爲關之東谷途自此去不

復由關矣丹水又逕二石人北

案人近刻訛作入

而各在一

山角倚相望南爲河內北曰上黨二郡以之分境丹

水又東南歷西巖下巖下有太泉湧發洪流巨輸淵

深不測蘋藻芟芹

案芟近刻訛作冬

竟川含綠雖嚴辰肅月

無變暄萋

案無變近刻訛作蕪麥

丹水又南白水注之水出高

都縣故城西所謂長平白水也東南流歷天井關地

理志曰高都縣有天井關蔡邕曰太行山上有天井

關在井北遂因名焉故劉歆遂初賦曰馳太行之險
峻入天井之高關太元十五年晉征虜將軍朱序破
慕容永于太行遣軍至白水去長子百六十里白水
又東天井溪水會焉水出天井關北流注白水世謂
之北流泉白水又東南流入丹水謂之白水交丹水
又東南出山逕鄴城西城在山際俗謂之期城非也司
馬彪郡國志曰山陽有鄴城京相璠曰河內山陽
西北六十里有鄴城竹書紀年曰梁惠成王元年趙

成侯偃韓懿侯若伐我蔡即此城也丹水又南屈而

西轉光溝水出焉丹水又西逕苑鄉城北南屈東轉

逕其城南東南流注于沁謂之丹口竹書紀年曰晉

出公五年丹水三日絕不流幽公九年丹水出相反

擊即此水也沁水又東光溝水注之水首受丹水東

南流界溝水出焉又南入沁水沁水又東南流逕成

鄉城北又東逕中都亭南左合界溝水

案左近刻
訛作又

水

上承光溝東南流長明溝水出焉又南逕中都亭西

而南流注于沁水也

又東過州縣北

案州原本及近刻並訛作周注內故州也同今改正

縣故州也春秋左傳隱公十有一年周以賜鄭公孫

段

案此三字上有脫文當云昭公三年晉以州田賜鄭公孫段

六國時

案此三字誤當作其

後二字

韓宣子徙居之有白馬溝水注之水首受白馬

湖湖一名朱管陂陂上承長明溝湖水東南流逕金

亭西分爲二水一水東出爲蔡溝一水南注于沁也

案注近刻

訛作流

又東過懷縣之北

案近刻作過邢丘

韓詩外傳曰武王伐紂到邢丘更名邢丘曰懷春秋時赤翟伐晉圍懷是也王莽以爲河內故河內郡治也舊三河之地矣韋昭曰河南河東河內爲三河也縣北有沁陽城沁水逕其南而東注也

又東過武德縣南又東南至滎陽縣北東入于河

沁水于縣南水積爲陂通結數湖有朱溝水注之其水上承沁水于沁水縣西北自枋口東南流

案枋近刻訛作

方奉溝水右出焉又東南流右泄爲沙溝水也其水

又東南于野王城西枝渠左出焉

案出近刻訛作水

以周城

溉東逕野王城南又屈逕其城東而北注沁水朱溝

自枝渠東南逕州城南又東逕懷城南又東逕殷城

北郭緣生述征記曰河之北岸河內懷縣有殷城或

謂楚漢之際殷王卬治之

案卬近刻訛作卬下同

非也余按竹

書紀年云秦師伐鄭次于懷城殷

案此下近刻重一殷字

卽是

城也然則殷之爲名久矣

案近刻脫則字

知非從卬始昔劉

曜

案近刻訛作聰

以郭默爲殷州刺史督緣河諸軍事治此

案

督上近刻衍都字

朱溝水又東南注于湖湖水右納沙溝水

水分朱溝南派東南逕安昌城西漢成帝河平四年

封丞相張禹爲侯國今城之東南有古冢時人謂之

張禹墓余按漢書禹河內軹人徙家蓮勺鴻嘉元年

禹以老乞骸骨

案近刻脫骨字

自治冢塋起祠堂于平陵之

肥牛亭

案近刻陵下又有平字衍

近延陵奏請之詔爲徙亭哀帝

建平二年薨遂葬于彼此則非也沙溝水又東逕隰

城北春秋僖公二十五年取太叔于溫殺之于隰城
是也京相璠曰在懷縣西南又逕殷城西東南流入
于陂陂水又值武德縣南至滎陽縣北案近刻脫此九字東
南流入于河先儒亦咸謂是溝爲濟渠故班固及關
駟並言濟水至武德入河蓋濟水枝瀆條分所在布
稱亦兼丹水之目矣

淇水出河內隆慮縣西大號山

山海經曰淇水出沮如山

案如近刻訛作如

水出山側頽波

瀟注衝激橫山山上合下開可減六七十步巨石礫

砢交積隍澗傾瀾湍盪

案湍近刻訛作湍

勢同雷轉激水散

氛暖若霧合又東北沾水注之

案沾近刻訛作活下沾臺訛作沾臺

水

出壺關縣東沾臺下石壁崇高昂藏隱天泉流發于

西北隅與金谷水合金谷即沾臺之西溪也東北會

沾水又東流注淇水淇水又逕南羅川又歷三羅城

北

案三原本及近刻並訛作之考寰宇記其城縣治西北六十里大山中有羅門即山峽陁東之所內

有南羅中羅北羅三城

可證之乃三字之誤
東北與女臺水合水發西北

三女臺下東北流注于淇淇水又東北歷淇陽川

案歷

近刻訛作逕

逕石城西北城在原上帶澗枕淇淇水又東

北西流水注之水出東大嶺下西流逕石樓南在北陵石上練垂桀立亭亭極峻其水西流水也又東逕馮都壘南世謂之淇陽城在西北三十里淇水又東出山分爲二水水會立石堰

案近刻脫一水字

遏水以沃白

溝左爲菟水右則淇水自元甫城東南逕朝歌縣北竹書紀年晉定公十八年

案近刻訛作二十八年

淇絕于舊衛

即此也淇水又東右合泉源水

案近刻訛作太和泉源水

水有二

源一水出朝歌城西北東南流

案近刻脫流字

老人晨將渡

水而沈吟難濟紂問其故左右曰老者髓不實故晨

寒也紂乃于此斲脛而視髓也其水南流東屈逕朝

歌城南晉書地道記曰本沫邑也詩曰爰采唐矣沫

之鄉矣殷王武丁始遷居之爲殷都也紂都在禹貢

冀州大陸之野

案禹貢二字近刻訛在紂都上

即此矣有糟丘酒池

之事焉有新聲靡樂號邑朝歌晉灼曰史記樂書紂

作朝歌之音朝歌者歌不時也故墨子聞之惡而迴

車不逕其邑論語比考識曰

案近刻訛作論撰考識曰

邑名朝歌

顏淵不舍七十弟子揜目宰子獨顧由感墮車

案感近刻

訛作履

下同

宋均曰子路患宰子顧視凶地故以足蹙之

使墮車也今城內有殷鹿臺紂昔自投于火處也竹

書紀年曰武王親禽帝受辛于南單之臺遂分天之

明南單之臺蓋鹿臺之異名也武王以殷之遺民封

紂子武庚于茲邑分其地爲三曰邶鄘衛使管叔蔡

叔霍叔輔之爲三監叛周討平以封康叔爲衛箕子

佯狂自悲故琴操有箕子操逕其墟父母之邦也不

勝悲作麥秀歌後乃屬晉

案此四字近刻訛
在有紂之餘風下

地居河

淇之間戰國時皆屬於趙男女淫縱有紂之餘風

案餘

近刻土險多寇

案土近刻
訛作山

漢以虞詡爲令朋友以難

治致弔詡曰不遇盤根錯節何以別利器乎又東與

左水合謂之馬溝水水出朝歌城北東流南屈逕其

城東

案逕近刻
訛作至

又東流與羗溝合水出朝歌西北大

嶺下

案此即二源之一

東流逕駝谷

案東流近刻訛作更出

于中逵

迤九十曲故俗有羨溝之目矣歷二十崿崿流相承

泉響不斷返水捍注捲復深隍

案近刻訛作隍後深隍

隍間積

石千通水穴萬變觀者若思不周賞情乏圖狀矣其

水東逕朝歌城北

案東近刻訛作更

又東南流注馬溝水又

東南注淇水為肥泉也故衛詩曰我思肥泉茲之永

歎毛注云同出異歸為肥泉爾雅曰歸異出同曰肥

釋名曰本同出時所浸潤水少

案近刻脫水字

所歸枝散而

多

案歸下近刻有各字

似肥者也。犍爲舍人曰：水異出流行合

同曰肥。今是水異出同歸矣。博物志謂之澳水。詩云

瞻彼淇澳，采芣猗猗。毛云：芣，王芻也。竹編竹也。漢武

帝塞決河，斬淇園之竹木，以爲用。寇恂爲河內，伐竹

淇川，治矢百餘萬，以輸軍資。今通望淇川，無復此物

惟王芻編草不異毛與

案近刻訛作注

又云：澳，隈也。鄭亦不

以爲津源，而張司空專以爲水流入于淇，非所究也。

然斯水即詩所謂泉源之水也。

案泉源近刻訛作源泉

故衛詩

云泉源在左淇水在右衛女思歸指以爲喻淇水左

右蓋舉水所入爲左右也淇水又南歷枋堰舊淇水

口

案近刻訛作南

東流逕黎陽縣界南入河地理志曰淇水

出其東至黎陽入河溝洫志曰

案此下近刻衍在字

遮害亭西

十八里至淇水口是也

案近刻脫也字

漢建安九年魏武王

于水口下大枋木以成堰遏淇水東入白溝以通漕

運故時人號其處爲枋頭是以盧諶征艱賦曰後背

洪枋臣堰深渠高堤者也自後遂廢魏熙平中復通

之故渠歷枋城北

案枋近刻
訛作楊

東出今瀆破故竭

案近
刻作

堰

其堰悉鐵柱木石參用其故瀆南逕枋城西又南

分爲二水一水南注清水水流上下更相通注河清

水盛

案水有二源至此句清字止舊刻訛在漂水
注內八風谷之縑石也縑字下原本不誤

北

入故渠自此始矣一水東流逕枋城南東與苑口合

苑水上承淇水于元甫城西北自石堰東苑城西

案
東

下近刻
衍注字

屈逕其城南又東南流歷土軍東北

案土軍
原本及

近刻並訛作五軍考土軍漢書地理志屬西河郡北
魏立吐京郡吐京即土軍音聲之轉魏討九原西河

吐京諸叛部出配郡縣置吐京民於此
但魏書作吐京道元猶用土軍字耳

得舊石逗

案近

刻訛作沮

故五水分流世號五穴口今惟通并爲二水

案近刻脫

水字

一水西注淇水謂之天井溝一水逕土軍東分爲

蓼溝東入白祀陂又南分東入同山陂溉田七十餘

頃二陂所結即臺陰野矣苑水東南入淇水淇水

右合宿胥故瀆瀆受河于頓丘縣遮害亭東黎山

西北會淇水處立石堰遏水令更東北注

案今近刻訛作今魏

武開白溝因宿胥故瀆而加其功也故蘇代嘗曰決

宿胥之口魏無虛頓丘即指是瀆也淇水又東北流謂

之白溝逕雍榆城南春秋襄公二十三年叔孫豹救

晉次于雍榆者也

案榆下近刻衍城字

淇水又北逕其城東

案近

刻脫又

東北逕同山東又東北逕帝嚳冢西

案又字下近刻

有北逕其城東五字係衍文

世謂之頓丘臺非也皇覽曰帝嚳冢

在東郡濮陽頓丘城南臺陰野中者也又北逕白祀

山東歷廣陽里逕顓頊冢西俗謂之殷王陵非也帝

王世紀曰顓頊葬東郡頓丘城南廣陽里大冢者是

也淇水又北屈而西轉逕頓丘北故關駟云頓丘在

淇水南

案此下近刻有又屈逕頓丘西六字係訛舛衍文

爾雅曰山一成謂

之頓丘釋名謂一頓而成丘無高下小大之殺也詩

所謂送子涉淇至于頓丘者也魏徙九原西河土軍

諸胡

案土軍原本及近刻並訛作出軍係後人所改

置土軍于丘側

案此土軍原本

及近刻並訛

故其名亦曰土軍也

案此上八十一字近刻訛在前淇水

又東之下右合

又屈逕頓丘縣故城西

案又屈二字近刻訛在上

泉源水之上

頓丘在淇

水南下

古文尚書以爲觀地矣蓋太康弟五君之

號曰五觀者也竹書紀年晉定公三十一年城頓丘
皇覽曰頓丘者城門名頓丘道世謂之殷皆非也蓋
因丘而爲名故曰頓丘矣淇水東北逕枉人山東牽
城西

案枉近刻
訛作柱

春秋左傳定公十四年公會齊侯

衛侯于牽者也杜預曰黎陽東北有牽城即此城
矣淇水又東北逕石柱岡東北注矣

東過內黃縣南爲白溝

淇水又東北逕并陽城西世謂之辟陽城非也即郡

國志所謂內黃縣有并陽聚者也白溝又北左合蕩

水

案近刻訛作陽水

又東北流逕內黃縣故城南縣右對黃

澤郡國志曰縣有黃澤者也

案近刻脫也字

地理風俗記曰

陳留有外黃故加內史記曰趙廉頗伐魏取黃即此縣

屈從縣東北與洹水合

白溝自縣北逕戲陽城東世謂之蕭陽聚

案近刻訛作義陽鄆

春秋昭公十年晉荀盈如齊逆女還卒戲陽是也白

溝又北逕高城亭東洹水從西南來注之又北逕間

亭東即魏界也魏縣故城

案近刻脫魏字縣故城三字訛在應劭曰下

應

劭曰魏武侯之別都也城內有武侯臺王莽之魏城亭也左與新河合洹水枝流也白溝又東北逕銅馬城西蓋光武征銅馬所築也故城得其名矣白溝又

東北逕羅勒城東又東北漳水注之謂之利漕口

案魏

志建安十八年鑿渠引漳水入白溝以通河是也

自下清漳白溝淇河咸得

通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏將

阿難所導以利衡濟遂有阿難之稱矣

案遂近刻訛作首

白

溝又東北逕空陵城西又北逕喬亭城西東去館陶

縣故城十五里縣即春秋所謂冠氏也魏陽平郡治

也其水又屈逕其縣北又東北逕平恩縣故城東地

理風俗記曰縣故館陶之別鄉也漢宣帝地節三年

置

案近刻訛作元康三年置

以封后父許伯爲侯國地理志王莽

之延平縣矣其水又東過清淵縣故城西

案其水近刻訛作淇

水下

又歷縣之西北爲清淵故縣有清淵之名矣世

謂之魚池城非也其水又東北逕榆陽城北漢武帝

案近刻訛作昭帝

封太常江德爲侯國文穎曰邑在魏郡清

淵世謂之清淵城非也

又東北過廣宗縣東爲清河

清河東北逕廣宗縣故城南和帝永元五年

案和帝近刻訛

作順帝

封皇太子萬年爲王國田融言趙立建興郡于

城內置臨清縣于水東自趙石始也清河之右有李
雲墓雲字行祖甘陵人好學善陰陽舉孝廉遷白
馬令中常侍單超等立掖庭民女毫氏爲后后家封者
四人賞賜巨萬雲上書移副三府曰

案副近刻
訛作列

孔子

云帝者諦也今尺一拜用不經御省

案近刻
訛作者

是帝欲

不諦乎帝怒下獄殺之後冀州刺史賈琮使行部過
祠雲墓刻石表之今石柱尚存俗猶謂之李氏石柱
清河又東北逕界城亭東水上有大梁謂之界城橋

英雄記曰公孫瓚擊青州黃巾賊大破之還屯廣宗

袁本初自往征瓚合戰于界橋南二十里紹將麴義

案麴近

刻作鞠

破瓚于界橋斬瓚冀州刺史嚴綱又破瓚

殿兵于橋上即此梁也世謂之兩城橋蓋傳呼失實

矣清河又東北逕信鄉西地理風俗記曰甘陵西北

十七里有信鄉故縣也清河又北逕信成縣故城西

應劭曰甘陵西北五十里有信成亭故縣也趙置水

東縣于此城故亦曰水東城清河又東北逕清陽縣

故城西漢高祖置清河郡治此景帝中三年

案此五字近刻

訛作甲元三年景帝六字

封皇子乘爲王國王莽之平河也

案平河近

刻訛作

河平漢光武建武二年西河鮮于冀爲清河太守

作公解未就而亡後守趙高計功用二百萬五官黃

秉功曹劉適言四百萬錢于是冀乃鬼見白日道從

入府與高及秉等對共計校定爲適秉所割匿冀乃

書表自理其略言高貴不尚節晦壘之夫而冀踞遺

類研密失機婢妾其性媚世求顯偷竊很鄙有辱天

官

案近刻訛作偷竊銀艾鄙辱天官

易譏負乘誠高之謂臣不勝鬼

言謹因千里驛聞付高上之便西北去三十里車

馬皆滅不復見秉等皆伏地物故高以狀聞詔下還冀

西河田宅妻子焉兼爲差代以弭幽中之訟

案弭近刻訛作

旌漢桓帝建和三年

案近刻訛作延和元年

改清河爲甘陵王

國以王妖言徙其年立甘陵郡治此焉

又東北過東武城縣西

清河又東北逕陵鄉西應劭曰東武城西南七十

里有陵鄉故縣也後漢封太僕梁松爲侯國故世謂

之梁侯城遂立侯城縣治也清河又東北逕東武城縣

故城西

案故字近刻
訛在縣字上

史記趙公子勝號平原君以解

邯鄲之功受封于此定襄有武城故加東矣清河又

東北逕復陽縣故城西漢高祖七年封右司馬陳胥

爲侯國王莽更名之曰樂歲地理風俗記曰東武城

西北三十里有復陽亭故縣也世名之曰檻城非也

清河又東北流

案清河下近
刻有水字

逕棗彊縣故城西史記

建元以來王子侯者年表云漢武帝元朔二年封廣川惠王子晏爲侯國也應劭地理風俗記曰東武城縣西北五十里案近刻脫縣字有棗彊城故縣也

又北過廣川縣東

清河北逕廣川縣故城南

案河近刻訛作水

闕駟曰縣中有

長河爲流

案近刻脫中字

故曰廣川也水側有羌壘姚氏之

故居也今廣川縣治清河又東北逕歷縣故城南地理志信都之屬縣也王莽更名曰歷寧也應劭曰廣

川縣西北三十里有歷城亭故縣也今亭在縣東如

北

案近刻訛作如此

水濟尚謂之為歷口渡也

又東過脩縣南又東北過東光縣西

清河又東北左與張甲屯絳故漬合阻深堤高鄣無

復有水矣又逕脩縣故城南屈逕其城東脩音條王

莽更名之曰脩治

案近刻訛作治脩

郡國志曰故屬信都清

河又東北左與橫漳枝津故漬合

案橫近刻訛作黃

又東北

逕脩國故城東漢文帝封周亞夫爲侯國故世謂之

北脩城也清河又東北逕郕閭城東城臨側清河晉脩縣治城內有縣長魯國孔明碑清河又東至東光縣西南逕胡蘇亭地理志東光有胡蘇亭者也

案近刻脫

地理志東光有胡蘇亭九字及也字

世謂之羌城非也又東北右會大

河故瀆又逕東光縣故城西後漢封耿純爲侯國初

平二年黃巾三十萬人入渤海

案近刻作北海

公孫瓚破之

于東光界追奔是水斬首三萬流血丹水即是水也

又東北過南皮縣西

清河又東北無棣溝出焉東逕南皮縣故城南又東

逕樂亭北地理志之臨樂縣故城也王莽更名樂亭

晉書地道志太康地記樂陵國有新樂縣即此城矣

又東逕新鄉城北即地理志高樂故城也王莽更之

曰爲鄉矣無棣溝又東分爲二瀆無棣溝又東逕樂

陵郡北

案逕下近刻有于字

又東屈而北出又東轉逕苑鄉縣

故城南

案近刻訛作逕宛鄉故城南

又東南逕高成縣故城南

案高

成近刻作高城

與枝瀆合枝瀆上承無棣溝

案近刻脫枝字瀆訛作溝

南

逕樂陵郡西又東南逕千童縣故城東史記建元以

來王子侯者年表曰故重也一作千鍾漢武帝元朔

四年封河間獻王子劉陰爲侯國應劭曰漢靈帝改

曰饒安也滄州治枝瀆又南東屈東北注無棣溝無

棣溝又東北逕一故城北世謂之功城也又東北逕

鹽山東北入海春秋僖公四年

案近刻脫此二字

齊楚之盟

于召陵也管仲曰昔召康公賜命先君太公履

案賜近刻

作北至于無棣蓋四履之所也京相璠曰舊說無棣

在遼西孤竹縣二說參差未知所定然管仲以責楚

無隸在此方之爲近既世傳已久

案近刻訛作以文

且以聞

見書之清河又東北逕南皮縣故城西十三州志曰

章武有北皮亭故此曰南皮也王莽之迎河亭

案迎近刻

訛作

史記惠景侯者年表云漢景帝後七年

案近刻訛作文

帝後元年中

封孝文后兄子彭祖爲侯國建安中魏武擒

袁譚于此城也清河又北逕北皮城東

案近刻脫北字

左會

滹沱別河故瀆

案近刻訛作左會譚地別瀆

謂之合口

案近刻脫口字

城

謂之合城也

案城謂近刻
訛作故謂

地理風俗記曰南皮城北

五十里有北皮城即是城矣

案近刻脫此四字
作有北皮城也

又東北過浮陽縣西

案過近刻
訛作遲

清河東北流

案近刻脫
清字流字

浮水故瀆出焉按史記趙之

南界有浮水焉浮水在南而此有浮陽之稱者蓋浮

水出入津流同逆混并清漳二瀆河之舊道浮水故

迹又自斯別是縣有浮陽之名也

案浮陽近刻
訛作浮水

首受清

河牙縣界東北逕高成縣之苑鄉城北

案高成近
刻訛作高

城苑說
作宛

又東逕章武縣之故城北

案近刻
脫北字

漢景帝後

七年封孝文后弟竇廣國爲侯國王莽更名桓章晉
太始中立章武郡治此浮水故瀆又東逕篋山北魏
土地記曰高成東北五十里有篋山長七里浮瀆又
東北逕柳縣故城南漢武帝元朔四年封齊孝王子
劉陽爲侯國地理風俗記曰高成縣東北五十里有
柳亭故縣也世謂之辟亭非也浮瀆又東北逕漢武
帝望海臺又東注于海應劭曰浮陽縣

案近刻
脫陽字

浮水

所出入海朝夕往來日再

案朝夕近刻作潮汐

今溝無復有水

也清河又北分爲二瀆枝分東出又謂之浮瀆清河

又北逕浮陽縣故城西

案近刻脫縣字

王莽之浮城也建武

十五年更封驍騎將軍平鄉侯劉歆爲侯國

案近刻脫驍字

浮陽郡治又東北滹沱別瀆注焉謂之合口也

案近刻

訛作

河

又東北過瀋邑北

瀋水出焉

案瀋水詳濁漳水注內

又東北過鄉邑南

清河又東分爲二水枝津右出焉東逕漢武帝故臺

北魏土地記曰

案魏下近刻衍氏字

章武縣東百里有武帝臺

南北有二臺相去六十里基高六十丈俗云漢武帝東巡海上所築又東注于海清河又東北逕紆姑邑南俗謂之新城非也

又東北過窮河邑南

案過近刻訛作逕

清河又東北逕窮河邑南俗謂之三女城非也東北

至泉州縣北入潯沱

案州近刻訛作周

水經曰筭溝東南至

泉州縣與清河合自下爲派河尾也

案原本訛作水經曰筭溝泉周

縣東南與清河合者自下爲清河下邑也近刻曰又訛作白句又訛作目考沽河經文云又東南至雍奴縣西爲筭溝又東南至泉州縣與清河合東入于海清河者派河尾也今據以訂此文之舛誤又東

泉州渠出焉

案近刻渠訛作泉泉州渠詳鮑丘水注內

又東北過漂榆邑入于海

清河又東逕漂榆邑故城南俗謂之角飛城趙記

云石勒使王述煮鹽于角飛即城異名矣魏土地記曰

高城縣東北百里北盡漂榆東臨巨海民咸煮海水
藉鹽爲業即此城也清河自是入于海

蕩水出河內蕩陰縣西山東

蕩水出縣西石尚山泉流逕其縣故城南縣因水以
取名也晉伐成都王穎敗帝于是水之南盧綝四王

起事曰

案綝近刻
訛作林

惠帝征成都王穎戰敗時舉輦司

馬八人輦猶在肩上軍人競就殺舉輦者乘輿頓地
帝傷三矢百僚奔散唯侍中嵇紹扶帝士將兵之帝

曰吾吏也勿害之衆曰受太弟命惟不犯陛下人耳遂斬之血汚帝袂將洗之帝曰嵇侍中血勿洗也此則嵇延祖殞命之所

又東北至內黃縣入于黃澤

羗水出蕩陰西北韓大牛泉地理志曰縣之西山羗水所出也羗水又東逕韓附壁北又東流逕羗城北故羗里也史記音義曰牖里在蕩陰縣廣雅牖獄犴也

案近刻訛作廣雅稱獄犴也

夏曰夏臺殷曰羗里周曰囹圄皆

園土昔殷紂納崇侯虎之言囚西伯于此散宜生南
宮適見文王乃演易用明否泰始終之義焉姜城北
水積成淵方十餘步深一丈餘東至內黃與防水會
水出西山馬頭澗東逕防城北盧諶征艱賦所謂
越防者也其水東南流注于姜水又東歷黃澤入蕩
水地理志曰姜水至內黃入蕩者也蕩水又東與長沙
溝水合其水導源黑山北谷

案黑近刻
訛作里

東流逕晉

鄙故壘北謂之晉鄙城名之爲魏將城昔魏公子無忌

矯奪晉鄙軍于是處故班叔皮遊居賦曰過蕩陰而

弔晉鄙責公子之不臣者也其水又東

案其近刻謂

之宜師溝又東逕蕩陰縣南又東逕枉人山

案枉近刻訛作

枉東北至內黃縣

案近刻訛作澤

右入蕩水亦謂之黃雀溝

是水秋夏則泛春冬則耗蕩水又逕內黃城南

案近刻脫

蕩字陳留有外黃故稱內也東注白溝

洹水出上黨注氏縣

水出洹山山在長子縣也

東過隆慮縣北

縣北有隆慮山昔帛仲理之所遊神也縣因山以取名漢高帝六年封周竈爲侯國應劭曰殤帝曰隆故

改從林也縣有黃華水

案近刻脫華字下同

出于神囷之山黃

華谷北崖上

案近刻脫上字

山高十七里水出木門帶帶即

山之第三級也去地七里懸水東南注壑直瀉巖下

狀若鷄翹故謂之鷄翹洪蓋亦天台赤城之流也

案近

刻脫之字

其水東流至谷口潛入地下東北十里復出名

柳渚渚周四五里是黃華水重源再發也東流葦

泉水注之水出林慮山北澤中

案山近刻
訛作川

東南流與雙

泉合水出魯般門東下流入葦泉水葦泉水又東
南流注黃華水謂之陵陽水又東入于洹水也

又東北出山過鄴縣南

案過近刻
訛作逕

洹水出山東逕殷墟北

案東近刻
訛作連

竹書紀年曰盤庚

即位自奄遷于北蒙曰殷

案北蒙近刻
訛作此遂

昔者項羽與

章邯盟于此地矣洹水又東枝津出焉東北流逕鄴

城南謂之新河又東分爲二水一水北逕東明觀下

案近刻脫

一水二字

昔慕容雋夢石虎齧其臂寤而惡之購求

其尸而莫之知

案近刻訛作莫知之

後宮嬖妾言虎葬東明觀

下于是掘焉下度三泉得其棺剖棺出尸尸僵不腐

雋罵之曰死胡安敢夢生天子也使御史中尉陽約

案陽近

刻作揚

其罪而鞭之此蓋虎始葬處也又北逕建

春門石河不高大治石工密舊橋首夾建兩石柱螭

矩趺勒甚佳

案矩近刻訛作短

乘輿南幸以其作制華妙

致之平城東側西關北對射堂綠水平潭碧林側浦可

遊憩矣

案側浦近刻訛作浦側總訛作意

其水西逕魏武玄武故苑

案近刻其水下有際其二字係行文

苑舊有玄武池以肄舟楫有魚梁

釣臺竹木灌叢今池林絕滅畧無遺跡矣其水西流

注于漳南水東北逕女亭城北又東北逕高陵城南

東合垌溝又東逕鸕鷀陂北與台陂水合陂東西三

十里南北

案此下有脫文下云注白溝河溝上承洹水亦訛脫不可考

注白溝河

溝上承洹水北絕新河北逕高陵城東又北逕斥丘

縣故城西縣南角有丘蓋因丘以氏縣故乾侯矣

春秋經書昭公二十八年公如晉次于乾侯也漢高

帝六年封唐厲爲侯國王莽之利丘矣又屈逕其城

北

案近刻訛作北城

東北流注于白溝洹水自鄴東逕安陽

縣故城北徐廣晉紀曰石遵自李城北入斬張豺于

安陽是也

案近刻李訛作李豺訛作豹

魏土地記曰鄴城南四十

里有安陽城城北有洹水東流者也洹水又東至長

樂縣左則枝溝出焉

案近刻訛作側則溝出焉

洹水又東逕長樂

縣故城南按晉書地理志曰魏郡有長樂縣也

又東過內黃縣北東入于白溝

洹水逕內黃縣北東流注于白溝世謂之洹口也

案

近刻訛作水

許慎說文吕忱字林並云洹水出晉魯之間

昔聲伯夢涉洹水或與已瓊瑰而食之

案已近刻訛作其

泣

而又爲瓊瑰盈其懷矣

案爲近刻訛作與

從而歌曰濟洹

之水贈我以瓊瑰歸乎歸乎瓊瑰盈吾懷乎後言

之之暮而卒

案近刻既之字

即是水也



水經注卷九

南漢直
金壽會
財寶

總校官庶吉士臣張能照

校對官庶吉士臣嚴福

校對官助教臣金學詩

膳錄監生臣趙興吾

膳錄監生臣陸學稼

欽定四庫全書薈要

史部

水經注卷
十一

詳校官編修臣繆晉



水經注卷十

後魏 酈道元 撰

濁漳水 清漳水

漳水出上黨長子縣西發鳩山

案此下原本及近刻有之漳水爲四字同

注文漳水二字訛作經後人又加之爲二字耳

漳水出鹿谷山

案原本及近刻脫漳水二字及山字太平御覽引此注云漳水出鹿谷山

據以訂正與發鳩連麓而在南淮南子謂之發苞山故異

名互見也左則陽泉水注之右則繖蓋水入焉

案繖近刻

訛作散

三源同出一山但以南北爲別耳

東過其縣南

又東堯水自西山東北流逕堯廟北又東逕長子縣故城南周史辛甲所封邑也春秋襄公十八年晉人執衛行人石買于長子即是縣也秦置上黨郡治此其水東北流入漳水漳水東會于梁水梁水出南梁山北流逕長子縣故城南

案逕近刻作至

竹書紀年曰梁惠

成王十二年鄭取屯留尚子湜

案近刻訛作沮

尚子即長子

之異名也梁水又北入漳水

屈從縣東北流

案此下近刻衍注字

陶水南出陶鄉

案近刻訛作南出南陶

北流逕長子城東西轉逕

其城北東注于漳水

又東過壺關縣北又東北過屯留縣南

案此八字近刻移在後潞縣北

之上又

脫南字

漳水東逕屯留縣南又屈逕其城東東北流有絳水

注之

案此下近刻有絳字

水西出穀遠縣東發鳩之谷謂之爲

濫水也

案謂之下近刻有絳水西出穀遠縣七字係複上衍文

東逕屯留縣故

城南故留吁國也

案吁近刻訛作予

潞氏之屬春秋襄公十

八年晉人執孫蒯于純留是也其水東北流入于

漳故桑欽云絳水出屯留西南

案出近刻訛作逕

東入漳漳水

又東凍水注之

案凍原本及近刻並訛作陳下同今據說文改正

水西出發

鳩山

案西出近刻訛作出西

東逕余吾縣故城南漢光武建

武六年封景丹子尚爲侯國

案子尚近刻訛作尚子

凍水又東逕

屯留縣故城北竹書紀年梁惠成王元年韓共侯趙

成侯遷晉桓公于屯留史記趙肅侯奪晉君端氏而

徙居之此矣其水又東流注于漳故許慎曰水出發

鳩山入漳

案原本及近刻並訛作關

從水東聲也

案東原本及近刻並訛作章

漳水又東北

案近刻脫此三字

逕壺關縣故城西又屈逕其

城北故黎國也有黎亭縣有壺口關故曰壺關矣

呂后元年立孝惠後宮子武為侯國漢有壺關三老公

乘輿上書訟衛太子即邑人也縣在屯留東不得先

壺關而後屯留也漳水歷鹿臺山與銅鞮水合

案近刻脫

銅水出銅鞮縣西北石陞山東流與專池水合水出

八特山東北流入銅鞮水銅鞮水又東南合女諫水

案合近刻

水西北出好松山

案近刻脫出字

東南流北則葦

說作逕

池水與公主水合而右注之南則榆交水與皇后水

合而左入焉亂流東南注于銅鞮水銅鞮水又東逕

李憺墓墓前有碑碑石破碎故李氏以太和元年立

之其水又東逕故城北城在山阜之上下臨岫壑東

西北三面阻襄二里世謂之斷梁城即故縣之上虎亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信于此縣銅鞮水又東南流逕頃城西即縣之下虎聚也地理志曰縣有上虎亭下虎聚者也銅鞮水又南逕胡邑西又東屈逕其城南又東逕襄垣縣入于漳漳水又東北流逕襄垣縣故城南王莽之上黨亭

潞縣北

縣故赤翟潞子國也其相豐舒有雋才而不以茂德
晉伯宗數其五罪使荀林父滅之闕駟曰有潞水爲
冀州浸即漳水也余按燕書王猛與慕容評相遇于
潞川也評障錮山東

案近刻脫評字

潞水與軍入絹匹水二

石無他大川可以爲浸

案近刻脫無字

所有巨浪長湍惟漳

水耳故世人亦謂濁漳爲潞水矣縣北對故臺壁

案近

刻訛作壁臺下同

漳水逕其南本潞子所立也世名之爲臺

壁慕容垂伐慕容永于長子軍次潞川永率精兵

拒戰阻河自固垂陣臺壁一戰破之即是處也漳水于

是左合黃湏水口

案合近刻訛作右

水出臺壁西張諱巖下

世傳巖赤則土罹兵害故惡其變化無常恒以石粉
汙之令白是以俗目之爲張諱巖其水南流逕臺壁
西又南入于漳漳水又東北厯望夫山山之南有石

人竚于山上狀有懷于雲表因以名焉有湫水

案湫近刻

訛作

西出覆甑山而東流與西湯溪水合水出湫縣

西山湯谷五泉俱會謂之五會之泉交東南流謂之

西湯水又東南流注涅水涅水又東逕涅縣故城南

案近刻涅下有氏字考地理志上黨郡涅氏後漢爲涅縣縣氏涅水也東與白雞

水合水出縣之西山東逕其縣北東南流入涅水涅

水又東南案此下近刻行與字武鄉水會焉水源出武山西南

逕武鄉縣故城西而南得清谷口案而南下近刻行出字水源

出東北長山清谷西南與鞞鞞白壁二水合案近刻鞞說作

鞞壁說南入武鄉水又南得黃水口黃水三源同注

一壑東南流與隱室水合水源西北出隱室山東南

注黃水

案源近刻訛作流黃訛作潢

又東入武鄉水武鄉水又東

南注于涅水涅水又東南流注于漳水漳水又東逕

礪陽城北倉谷水入焉

案谷近刻訛作石下同

水出林慮縣之

倉谷溪東北逕魯班門西雙關昂藏

案近刻訛雙字

石壁霞

舉左右結石脩防崇基仍存北逕偏橋東即林慮之

嶠嶺抱犢固也石陞西陞陟踵脩上五里餘驛路中

斷四五丈中以木爲偏橋劣得通行亦言故有偏橋

之名矣自上猶須攀蘿捫葛方乃自津山頂即庾

哀眩墜處也

案原本及近刻並訛作卽庚眩墜處也考晉書庾亮傳亮通林慮山石勒來攻乃相

與登大頭山而田于其下將收獲命子抽與之下山中

望目眩墜崖而死可證此舉庾亮眩墜事庾誤作庚又

脫亮

字

倉谷溪水又北合白木溪溪水出壺關縣東

白木川東逕百晦城北蓋同仇池百頃之稱矣又東

逕林慮縣之石門谷又注于倉溪水倉溪水又北逕

礪陽城東而北流注于漳水漳水又東逕葛公亭北

而東注矣

又東過武安縣

漳水于縣東

案漳水下近刻行逕字

清漳水自涉縣東南來

注之

案近刻脫漳字又注下行流字

世謂決入之所爲交漳口也

案爲近刻

訛作

謂

又東出山過鄴縣西

漳水又東逕三戶峽爲三戶津張晏曰三戶地名也

在梁期西南孟康曰津峽名也在鄴西四十里又東

汙水注之

案汙近刻訛作汙

水出武安縣山東南流逕汙城

北

案汙城近刻訛作于城

昔項羽與蒲將軍英布濟自三戶破

章邯于是水汙水東注于漳水漳水又東逕武城南世謂之梁期城梁期在鄴北俗亦謂之兩期城皆爲非也司馬彪郡國志曰鄴縣有武城武城卽期城矣漳水又東北逕西門豹祠前祠東側有碑隱起爲字祠堂東頭石柱勒銘曰趙建武中所脩也

案建武刻說作達

魏文帝述征賦曰羨西門之嘉迹忽遙睇其靈宇漳水右與枝水合其水上承漳水于邯會西而東別與邯水合水發源邯山東北逕邯會縣故城西北注枝

水

案校原本及近刻並訛作漳今改正

故曰邯會也張晏曰漳水之別

自城西南與邯山之水會今城旁猶有溝渠存焉漢

武帝元朔二年封趙敬肅王子劉仁爲侯國其水又

東北入于漳昔魏文侯以西門豹爲鄴令也引漳

以溉鄴民賴其用其後至魏襄王以史起爲鄴令又堰

漳水以溉鄴田咸成沃壤百姓歌之魏武王又竭漳

水迴流東注號天井堰二十里中

案近刻脫二十二字

作十二

塏塏相去三百步令互相灌注一源分爲十二流皆

懸水門陸氏鄴中記云水所溉之處名曰堰陵澤

案近

刻作晏

陂澤故左思之賦魏都謂澄流十二同源異口者

也魏武之攻鄴也引漳水以圍之獻帝春秋曰司空

鄴城圍周四十里初淺而狹如或可越審配不出爭

利望而笑之司空一夜增脩廣深二丈引漳水以注

之遂拔鄴本齊桓公所置也故管子曰築五鹿中牟

鄴以衛諸夏也後屬晉魏文侯七年始封此地

案此近刻

說作

故曰魏也漢高帝十二年置魏郡治鄴縣王莽

跌

更名魏城後分魏郡置東西部都尉故曰三魏魏武
又以郡國之舊引漳流自城西東入逕銅雀臺下伏
流入城東注謂之長明溝也渠水又南逕止車門下
魏武封于鄴爲北宮宮有文昌殿溝水南北夾道枝
流引灌所在通溉東出石竇堰下

案近刻
脫堰字

注之隍水

案隍近刻
訛作隍

故魏武登臺賦曰引長明灌街里謂此渠

也石氏于文昌故殿處造東西太武二殿于濟北穀

城之山

案穀近刻
訛作殿

採文石爲基一基下五百武直宿

衛屈柱跌瓦悉鑄銅爲之金漆圖飾焉又徙長安洛

陽銅人置諸宮前以華國也城之西北有三臺皆因

城爲之基

案近刻訛作之爲基

巍然崇舉其高若山建安十五

年魏武所起平坦畧盡春秋古地云葵丘地名今鄴

西三臺是也

案近刻脫三字

謂臺已平或更有見意所未詳

中曰銅雀臺

案中上近刻有其字

高十丈有屋百一間

案一近刻作餘

臺成命諸子登之並使爲賦陳思王下筆成章美捷當時亦魏武望奉常王叔治之處也昔嚴才與其屬

攻掖門脩閨變車馬未至便將官屬步至宮門太祖

在銅雀臺望見之曰彼來者必王叔治也相國鍾繇

曰舊京城有變九卿各居其府卿何來也脩曰食其

祿焉避其難居府雖舊非赴難之義時人以爲義談

矣石虎更增二丈立一屋連棟接榱彌覆其上盤迴

隔之名曰命子窟又于屋上起五層樓高十五丈去

地二十七丈又作銅雀于樓巔舒翼若飛南則金

虎臺

案虎近刻
訛作雀

高八丈有屋百九間北曰冰井臺亦高

八丈有屋百四十五間

案近刻脫五字

上有冰室室有數井

井深十五丈藏冰及石墨焉石墨可書又燃之難盡

亦謂之石炭又有栗窖及鹽窖

案近刻脫作及監脫窖字

以備不

虞今窖上猶有石銘存焉左思魏都賦曰三臺列峙

而崢嶸者也城有七門南曰鳳陽門中曰中陽門次

曰廣陽門東曰建春門北曰廣德門次曰殿門西曰

金明門一曰白門鳳陽門三臺洞開高三十五丈石

氏作層觀架其上置銅鳳頭高一丈六尺東城上石

氏立東明觀觀上加金博山謂之鏘天北城上有齊

斗樓

案斗近刻訛作牛

超出羣樹孤高特立其城東西七里

南北五里飾表以博百步一樓凡諸宮殿門臺隅雉

皆加觀榭層甍反宇

案近刻訛作及宇

飛檐拂雲圖以丹青

色以輕素當其全盛之時去鄴六七十里遠望若亭

巍若仙居魏因漢祚復都洛陽以譙爲先人本國許

昌爲漢之所居長安爲西京之遺迹鄴爲王業之

本基故號五都也今相州刺史及魏郡治漳水自西門

豹祠北逕趙閱馬臺西基高五丈列觀其上石虎每講武于其下升觀以望之虎自臺上放鳴鏑之矢以爲軍騎出入之節矣漳水又北逕祭陌西戰國之世俗巫爲河伯取婦祭于此陌魏文侯時西門豹爲鄴令約諸三老曰爲河伯娶婦幸來告知案幸近刻訛作卒吾

欲送女皆曰諾至時三老廷掾賦斂百姓取錢百萬

巫覡行里中有好女者祝當爲河伯婦案祝近刻作祀以錢

三萬聘女沐浴脂粉如嫁狀豹往會之三老巫掾與

民咸集赴觀巫嫗年七十從十女弟子豹呼婦視之
以爲非妙令巫嫗入報河伯投巫于河中有頃曰何
久也又令三弟子及三老入白並投于河豹磬折曰
案磬近刻
訛作聲三老不來奈何復欲使廷掾豪長趣之皆

叩頭流血乞不爲河伯取婦淫祀雖斷地留祭陌
之稱焉又慕容儁投石虎尸處也田融以爲紫陌也趙
建武十一年造紫陌浮橋于水上爲佛圖澄先造生
墓于紫陌建武十五年卒十二月葬焉即此處也漳

水又對趙氏臨漳宮宮在桑梓苑多桑木故苑有其
名三月三日及始蠶之月虎帥皇后及夫人採桑于此
今地有遺桑墉無尺雉矣漳水又北溢水入焉

案

近刻訛作溢又太平御覽引水經注曰溢水發源出
石鼓山南巖下泉奮湧潑潑如湯其水冬溫夏冷崖
上有魏世所立銘水上有祠能興雲雨溢水東流注
于漳謂之合河水當在此句之下原本及近刻並脫

落漳水又東逕梁期城南地理風俗記曰鄴北五十

里有梁期城故縣也漢武帝元鼎五年封任破胡爲
侯國晉惠帝永興元年驃騎王浚遣烏丸渴末逕至

梁期侯騎到鄴成都王穎遣將軍石超討末爲末所

敗于此也

案近刻脫也字

又逕平陽城北竹書紀年曰梁惠

成王元年鄴師敗邯鄲師于平陽者也

案近刻脫敗字

司馬

彪郡國志曰鄴有平陽城即此地也

又東過列人縣南

漳水又東右逕斥丘縣北即裴縣故城南王莽更名

之曰即是也地理風俗記曰列人縣西南六十里有

即裴城故縣也漳水又東北逕列人縣故城南王莽

更名之爲列治也竹書紀年曰梁惠成王八年惠成

王伐邯鄲取列人者也于縣右合白渠故瀆白渠水

出魏郡武安縣欽口山東南流逕邯鄲縣南又東與

拘澗水合

案澗原本及近刻並訛作澗下同今據漢書改正

水道源武始東

山白渠北俗猶謂是水爲拘河也拘澗水又東

案原

本及近刻並訛作白渠水又東今改正

又有牛首水入焉水出邯鄲縣西

堵山東流分爲二水洪湍雙逝澄映兩川漢景帝時

七國悖逆

案七近刻訛作六

命曲周侯酈寄攻趙圍邯鄲相

捍七月

案近刻
訛作日

引牛首拘水灌城城壞王自殺其水

東入邯鄲城逕溫明殿南漢世祖擒王郎幸邯鄲書
卧處也其水又東逕叢臺南六國時趙王之臺也郡
國志曰邯鄲有叢臺故劉劭趙都賦曰結雲閣于南
宇立叢臺于少陽者也今遺基舊墉尚在其水又東
歷邯鄲阜張晏所謂邯山在東城下者也曰單盡也
城郭從邑故加邑邯鄲之名蓋指此以立稱矣故趙
郡治也長沙耆舊傳稱桓楷爲趙郡太守嘗有遺囊

粟于路者行人掛囊粟于樹莫敢取之即于是處也

其水又東流出城又合成一川也又東澄而爲渚渚

水東南流

案近刻訛作沁水東南涓

注拘澗水又東入白渠又東

故漬出焉一水東爲澤渚曲梁縣之雞澤也國語所

謂雞丘矣東北通澄湖白渠故漬南出所在枝分右

出即邯溝也歷邯溝縣故城東蓋因溝以氏縣也地

理風俗記曰即裴城西北二十里有邯溝城故縣也

又東逕肥鄉縣故城北竹書紀年曰梁惠成王八年

伐邯鄲取肥者也晉書地道記曰太康中立以隸廣平也渠道交徑互相纏縻與白渠同歸逕列人右會漳津今無水地理志曰白渠東至列人入漳是也又東北過斥漳縣南

應劭曰其國斥鹵故曰斥漳漢獻帝建安十八年魏太祖鑿渠引漳水東入清洹以通河漕名曰利漕渠漳津故瀆水斷舊溪東北出

案舊字近刻說在斷字上

涓流瀆注

而已尚書所謂覃懷底績至于衡漳者也孔安國曰

衡橫也言漳水橫流也

案言下近刻衍單字

又東北逕平恩縣

故城西應劭曰縣故館陶之別鄉漢宣帝地節三年

置

案近刻訛作元帝元康三年置

以封后父許伯爲侯國王莽更曰

延平也

案平近刻訛作年

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有南

曲縣

案近刻訛作曲周縣

應劭曰平恩縣北四十里有南曲亭

故縣也又逕曲周縣故城東地理志曰漢武帝建元

四年置王莽更名直周余按史記大將軍酈商以高

祖六年封曲周縣爲侯國又考漢書同

案近刻訛是作史記同

知曲周舊縣非始孝武嘯父

案近刻訛作蓋商

冀州人在縣

市補履數十年

案近刻脫十字

人奇其不老求其術而不能

得也衡漳又北逕巨橋邸閣西舊有大梁橫水故

有巨橋之稱昔武王伐紂發巨橋之粟以賑殷之饑民

服虔曰巨橋倉名許慎曰

案近刻脫此三字

鉅鹿水之大橋

也今臨側水湄左右方一二里中狀若丘墟蓋遺

國故害處也衡水又北逕鉅鹿縣故城東應劭曰鹿者

林之大者也尚書曰堯將禪舜納之大麓之野烈風

雷雨不迷致之以昭華之玉而縣取目焉路溫舒縣

之東里人父爲里監門使溫舒牧羊澤中取蒲牒用

寫書即此澤也鉅鹿郡治秦始皇二十五年滅趙以

爲鉅鹿郡漢景帝中元年案近刻重一元字爲廣平郡武

帝征和二年案近刻訛作三年以封趙敬肅王子爲平于國案近

刻訛作爲廣平侯國世祖中興更爲鉅鹿也鄭玄注尚書引地說

云大河東北流過絳水千里至大陸爲地腹如志

之言大陸在鉅鹿地理志曰水在安平信都鉅鹿與

信都相去不容此數也水土之名變易世失其處見

降水則以爲絳水故依而廢讀或作絳字非也今河

內共北山

案近刻訛作北共山

淇水出焉

案淇水下近刻有淇水二字係衍文

東

至魏郡黎陽入河近所謂降水也降讀當如郎降于

齊師之降

案郎近刻訛作城

蓋周時國于此地者

案近刻訛此字惡

言降故改云共耳

案云近刻訛作之

又今河所從去大陸遠

矣館陶北屯氏河其故道與余按鄭玄據尚書有東
過洛汭至于大伾北過降水至于大陸推次言之故
以淇水爲降水共城爲降城所未詳也稽之羣書共
縣本共和之故國

案本上近刻行故字

是有其名不因惡降而

更稱

案近刻脫目字

禹著山經淇出沮如淇澳衛詩列目又

遠當非改絳草爲今號但是水導源共北山

案近刻訛作共

北玄欲成降義

案欲下近刻有因字義訛作義

故以淇水爲降水耳

即如玄引地說黎陽鉅鹿非千里之逕直信都于大

陸者也

案此語有舛誤

惟屯氏北出館陶事近之矣按地理

志云絳水發源屯留下亂漳津是乃與漳俱得通

稱故水流間關所在著目信都復見絳名而東入于海

尋其川脈無他殊瀆而衡漳舊道與屯氏相亂

案近刻脫

氏

乃書有過降之文

案近刻脫文字

與地說千里之誌

案近刻地

說二字在與字上

即之途致與書相鄰河之過降當應此矣

下至大陸不異經說自甯迄于鉅鹿出于東北皆爲

大陸語之纏絡厥勢眇矣九河既播八枝代絕

案枝近刻

金史四庫全書
卷十
改 批作

遺迹故稱往往時存故鬲般列于東北徒駭瀆

聯漳絳同逆之狀粗分陂障之會猶在按經考瀆自
安故目矣漳水又歷經縣故城西水有故津謂之薄
落津昔袁本初還自易京上已屆此率其賓從襁飲
于斯津矣衡漳又逕沙丘臺東紂所成也在鉅鹿故
城東北七十里趙武靈王與秦始皇並死于此矣又
逕銅馬祠東漢光武廟也更始三年秋光武追銅馬
于館陶大破之遂降之賊不自安世祖令其歸營乃

輕騎行其壘賊乃相謂曰蕭王推赤心置人腹中安

得不投死乎遂將降人分配諸將衆數十萬人故關

西號世祖曰銅馬帝也祠取名焉廟側有碑述河內

脩武縣張導字景明以建和三年爲鉅鹿太守漳津

汎濫土不稼穡導披按地圖與丞彭參掾馬道嵩等

原其逆順揆其表裏脩防排通以正水路功績有成

民用嘉賴題云漳河神壇碑而俗老者儒猶揭斯廟

爲銅馬劉神寺

案揭近刻
訛作謁

是碑頃因震裂餘半不

可復識矣又逕南宮縣故城西漢惠帝元年以封張越人子買爲侯國王莽之序中也其水與隅醴通爲衡

津

案隅說文作渦

又有長蘆淫水之名絳水之稱矣今漳水

既斷絳水非復纏絡矣又北絳瀆出焉今無水故瀆

東南逕九門城南又東南逕南宮城北又東南逕繚

城縣故城北十三州志曰經縣東五十里有繚城故

縣也左逕安城南故信都之安城鄉也更始二年和

戎卒正邳彤

案近刻訛作和城太守邳彤

與上會信都南安城鄉

上大悅即此處也故瀆又東北逕辟陽亭漢高帝六年封審食其爲侯國王莽之樂信也地理風俗記曰廣川西南六十里有辟陽亭故縣也絳瀆又北逕信都城東散入澤渚西至于信都城東連于廣川縣之張甲故瀆同歸于海故地理志曰禹貢絳水在信都東入于海也

又北過堂陽縣西

衡水自縣分爲二水

案縣近刻訛作堰

其一水北出逕縣故

城西世祖自信都以四千人先攻堂陽降水者也

水上有梁謂之旅津渡商旅所濟故也其石水東北

注出石門門石崩褫餘基殆在謂之長蘆水蓋變引護

之名也長蘆水東逕堂陽縣故城南應劭曰縣在堂

水之陽穀梁傳曰水北爲陽也今于縣故城南

案縣字近

刻說在故字下

更無別水惟是水東出可以當之斯水蓋包

堂水之兼稱矣長蘆水又東逕九門城北

案城近刻訛作波又

脫北字

故縣也又東逕扶柳縣故城南

案扶柳原本及近刻並訛作扶

都今據漢書改正

世祖建武三十年封冠恂子損爲侯國

案損

近刻說作

又東屈北逕信都縣故城西信都郡治也漢

高帝六年置景帝中二年

案近刻脫中字

爲廣川惠王越國

王莽更爲新博縣曰新博亭光武自薊至信都是也

明帝永平十五年更名樂成安帝延光中改曰安平

城內有漢冀州從事安平趙徵碑又有魏冀州刺史

陳留丁紹碑青龍三年立城南有獻文帝南巡碑

案近

刻脫文字

其水側城北注又北逕安陽城東又北逕武陽

城東十三州志曰扶柳縣東北有武陽城故縣也又北爲博廣池池多名蠃佳蝦歲貢王朝以充膳府又北逕下博縣故城東而北流注于衡水也

又東北過扶柳縣北又東北過信都縣西

扶柳縣故城在信都城西衡水逕其西

案絳漬之左出者北逕信

都城東長蘆水自扶柳城南屈北逕信都城西而漳水則逕扶柳城西不得逕信都城西水經之文誤故

道元

縣有扶澤澤中多柳故曰扶柳也衡水又北逕

昌城縣故城西地理志信都有昌城縣

案今漢書作昌成無土旁

漢武帝以封城陽頃王子劉差爲侯國闕駟曰昌城

本名阜城矣應劭曰堂陽縣北三十里有昌城故縣

也世祖之下堂陽昌城人劉植率宗親子弟據邑

以奉世祖是也又逕西梁縣故城東地理風俗記曰扶

柳縣西北五十里有西梁城

案近刻脫西字

故縣也世以爲

五梁城蓋字狀致謬耳衡漳又東北逕桃縣故城北

漢高祖十二年封劉襄爲侯國王莽改之曰桓分也

合斯波故瀆斯波水首受大白渠大白渠首受綿蔓

水綿蔓水上承挑水水出樂平郡之上艾縣東流世

謂之曰挑水東逕靖陽亭南故關城也又北流逕井

陘關下注澤發水亂流東北逕常山蒲吾縣西而挑

水出焉南逕蒲吾縣故城西又東南流逕桑中縣故

城北世謂之石勒城蓋趙氏增城之

案城近刻訛作咸

故擅

其目俗又謂之高功城

案近刻脫俗字城下有也字

地理志曰侯

國也挑水又東南流逕綿蔓縣故城北王莽之綿延

也世祖建武二年封郭況爲侯國自下通謂之綿蔓

水綿蔓水又東流逕樂陽縣故城西右合井陘山水

水出井陘山世謂之鹿泉水

案此下近刻有也字

東北流屈逕

陳餘壘西

案近刻訛作而

俗謂之故壁城昔在楚漢韓信東

入餘拒之于此不納左車之計悉衆西戰信遣奇兵

自間道出立幟于其壘師奔失據遂死泝上其水又

屈逕其壘南又南逕城西東注綿蔓水綿蔓水又屈

從城南俗名曰臨清城非也地理志曰侯國矣王莽

更之曰暢苗者也

案暢近刻訛作申

東觀漢記曰

案記近刻訛作書

光武使鄧禹發房子兵二千人以鉞期爲偏將軍別
攻真定宋子餘賊拔樂陽稟肥壘者也

案拔近刻
訛作援

綿

蔓水又東逕烏子堰枝津出焉又東謂之大白渠地
理志所謂首受綿蔓水者也白渠水又東南逕關縣

故城北

案關原本及近刻
並訛作關今改正

地理志常山之屬縣也又

東爲成郎河水上有大梁謂之成郎橋又東逕耿鄉
南世祖封前將軍耿純爲侯國世謂之宜安城又東
逕宋子縣故城北又謂之宋子河漢高帝八年封許

癸爲侯國

案癸近刻訛作癸

王莽更名宜子昔高漸離擊筑

傭工

案近刻脫高字傭訛作傭

自此入秦又東逕敬武縣故城北

按地理志鉅鹿之屬縣也漢元帝封女敬武公主爲

湯沐邑關駟十三州記曰楊氏縣北四十里有敬武

亭

案近刻脫敬字

故縣也今其城實中小邑耳故俗名之曰

敬武壘即古邑也白渠水又東謂之斯浹水地理志

曰大白渠東南至下曲陽入斯浹者也

案近刻訛作東至曲陽入

浹河者也

東分爲二水枝津右出焉東南流謂之百尺溝

又東南逕和城北世謂之初丘城非也漢高帝十一

年封郎中公孫昔爲侯國

案昔近刻訛作耳

又東南逕貫

城西

案貫近刻訛作育下同

漢高帝六年封呂博爲侯國百尺

溝東南散流逕歷鄉東而南入泚湖東注衡水也斯浹

水自枝津東逕貫城北又東積而爲陂謂之陽廩淵

淵水左納白渠枝水俗謂之泚水水承白渠于藁城

縣之烏子堰

案近刻脫城字

又東逕肥累縣之故城南又東

逕陳臺南臺甚寬廣今上陽臺屯居之又東逕新豐

城北按地理志云鉅鹿有新市縣侯國也王莽更之

曰樂市而無新豐之目所未詳矣其水又東逕晉陽

城南世謂之曰直陽城非也本鼓聚矣春秋左傳昭

公十五年晉荀吳帥師伐鮮虞圍鼓三月鼓人請降

穆子曰猶有食色不許軍吏曰獲城而弗取勤民而

頓兵何以事君穆子曰獲一邑而教民怠將焉用邑

也

案近刻無也字有邑以賈怠不如完
舊八字係後人以左傳之文增改

賈怠無卒棄

舊不祥鼓人能事其君我亦能事吾君率義不棄

好惡不愆城可獲也

案近刻無也字有而民知義所五字亦後人以左傳增改

有死

義而無二心不亦可乎鼓人告食竭力盡而後取之克鼓而返不戮一人以鼓子鳶鞮歸既獻而返之鼓

子又叛荀吳略東陽使師僞糴負甲息于門外

案近刻既

外字襲而滅之以鼓子鳶鞮歸使涉佗守之者也十三

州志曰今其城昔陽亭是矣京相璠曰白狄之別也

下曲陽有鼓聚故鼓子國也白渠枝水又東逕下曲

陽城北

案枝原本及近刻並訛作派復脫下字

又逕安鄉縣故城南地

理志曰侯國也又東逕貫縣

案近刻訛作育縣

入斯浚水斯

浚水又東逕西梁城南又東北逕樂信縣故城南地理志鉅鹿屬縣侯國也又東入衡水衡水又北爲袁譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十年秦封衛鞅于鄆改名曰商即此是也故王莽改曰秦聚也地理風俗記曰縣北有鄆阜蓋縣氏之又右

逕下博縣故城西王莽改曰閏博應劭曰太山有博
故此加下漢光武自滹沱南出至此失道不知所以
遇白衣老父曰信都爲長安守去此八十里世祖赴
之任光開門納焉漢氏中興始基之矣尋求老父不
得案老父近刻
訛作父老議者以爲神衡漳又東北厯下博城
西逶迤東北注謂之九絳案近刻
訛作爭西逕樂鄉縣故城
南王莽更之曰樂丘也又東引葭水注之案近刻作
列葭水注
也

又東北過阜城縣北又東北至昌亭與滹沱河會

經叙阜城于下博之下昌亭之上考地非比于事爲

同勃海阜城又在東昌之東故知非也

案後漢安平國之阜城即

前漢信都國之昌城故道元明其非勃海之阜城也

漳水又東北逕武邑郡南

魏所置也又東逕武強縣北又東北逕武隧縣故城

南按史記秦破趙將扈輒于武隧斬首十萬即于此

處也王莽更名桓隧矣白馬河注之水上承滹沱東

逕樂鄉縣北饒陽縣南又東南逕武邑郡北而東入

衡水謂之交津口衡漳又東逕武邑縣故城北王莽之順桓也晉武帝封子于縣以爲王國後分武邑武隧觀津爲武邑郡治此衡漳又東北右合張平口故溝上承武強淵淵之西南

案此下近刻衍之字

側水有武強縣

故治故淵得其名焉東觀漢記曰光武拜王梁爲大司空以爲侯國耆宿云邑人有行于途者見一小蛇疑其有靈持而養之名曰擔生長而吞噬人里中患之遂捕繫獄擔生負而奔邑淪爲湖縣長及吏咸爲

魚矣今縣治東北半里許落水淵水又東南結而爲

湖又謂之郎君淵耆宿又言縣淪之日其子東奔又

陷于此故淵得郎君之目矣淵水北通謂之石虎口

又東北爲張平澤澤水所泛北決堤口謂之張刀溝

北注衡漳

案近刻說作衡河

謂之張平口亦曰張平溝水溢

則南注水耗則輟流衡漳又逕東昌縣故城北經所

謂昌亭也王莽之田昌也俗名之曰東相

案近刻脫曰字

蓋

相昌聲韻合故致茲誤矣西有昌城故曰是城爲東

昌矣衡漳又東北左會滹沱故瀆謂之合口衡漳又東北分爲二川當其水洑處名之曰李聰渙

又東北至樂成陵縣北別出

案近刻訛作別出北

衡漳于縣無別出之瀆出縣北者

案近刻脫出字

乃滹沱別

水分滹沱故瀆之所纏絡也衡漳又東分爲二水左出爲向氏口瀆水自此決入也

案近刻訛作溝水自始決水也

衡漳

又東逕弓高縣故城北漢文帝封韓王信之子韓賁

當

案近刻訛作高帝封韓信凡子韓賁當

爲侯國王莽之樂成亭也衡

漳又東北右合柏梁澹水上承李聰渙東北爲柏梁

澹東逕蒲領縣故城南

案蒲近刻訛作扶

漢武帝元朔三年

封廣川惠王子劉嘉

案近刻既惠字

爲侯國地理風俗記云

脩縣西北八十里有蒲領鄉故縣也又東北會桑社

枝津

案社近刻訛作杜下同

又東北逕弓高城北又東注衡漳

謂之柏梁口衡漳又東北右會桑社溝溝上承從陂

世稱盧達從薄亦謂之摩訶河

案近刻訛作訶摩河

東南通清

河西北達衡水春秋雨泛

案此下近刻有漳漳津渚今五字係衍文

觀津

城北方二十里盡爲澤藪蓋水所鍾也其瀆逕觀津縣故城北樂毅自燕降趙封之于此邑號望諸君王莽之朔定亭也又南屈東逕竇氏青山南側堤東出

青山即漢文帝竇后父少翁冢也少翁是縣人

案近刻脫

少翁二字作即是縣人

遭秦之亂漁釣隱身墜淵而死景帝立

后遣使者填以葵父起大墳于觀津城東南故民號曰青山也又東逕董仲舒廟南仲舒廣川人也世猶謂之董府君祠春秋禱祭不輟舊溝又東逕脩市縣

故城北

案脩近刻訛作循下同

漢宣帝本始四年封清河網

王子劉寅爲侯國王莽更之曰居寧也俗謂之溫城非

也地理風俗記曰脩縣西北二十里有脩市城故縣

也又東會從陂陂水南北十里東西六十步子午潭

漲淵而不流亦謂之桑社淵從陂南出夾堤東派逕

脩縣故城北東合清漳漳泛則北注澤盛則南播津

流上下互相逕通

案近刻訛作道

從陂北出東北分爲二川一

川北逕弓高城西而北注柏梁差一川東逕弓高

城南又東北楊津溝水出焉

案楊近刻作陽下同又此下原本及近刻

有左讀北入衛漳謂之楊決口凡十

一字係後條注文訛舛在此今刪

衡水東逕阜城縣

故城北樂成縣故城南河間郡治地理志曰故趙也

漢文帝二年

案近刻脫此二字

別爲國應劭曰在兩河之間

也景帝九年封子德爲河間王是爲獻王王莽更

名郡曰朔定縣曰陸信褚先生曰漢宣帝地節三年封

大將軍霍光兄子山爲侯國也章帝

案近刻訛作漢宣帝三字

封

子關於此桓帝

案桓帝上近刻亦衍漢字

追尊祖父孝王開爲孝

穆王以其邑奉山陵故加陵曰樂成陵也

案近刻今脫成字

城中有故池方八十步舊引衡水北入城注池池北對層臺基隍荒蕪示存古意也

又東北過成平縣南

案近刻此下有台清河三字

衡漳又東逕建成縣故城南

案漳近刻訛作津

按地理志故

屬勃海郡褚先生曰漢昭帝元鳳三年封丞相黃

霸爲侯國也成平縣故城在北漢武帝元朔三年封河

間獻王子劉禮爲侯國王莽之澤亭也城南北相直

衡漳又東右會楊津溝水水自陂

案此三字近刻
訛作自澤水東

逕阜城南地理志勃海有阜城縣王莽更名吾城

者非經所謂阜城也建武十五年世祖更封大司馬王

梁爲侯國楊津溝水又東北逕建成縣左入衡水謂

之楊津口衡漳又東左會滹沱別河故瀆又東北入

清河謂之合口又逕南皮縣之北皮亭而東北逕浮

陽縣西東北注也

案近刻
訛作之

又東北過章武縣西又東北過平舒縣南東入海

清漳逕章武縣故城西

案逕近刻作自

故潏邑也枝瀆出焉

謂之潏水東北逕參戶亭

案戶近刻訛作后下同

分爲二瀆應

劭曰平舒縣西南五十里有參戶亭故縣也世謂之

平虜城枝水又東注謂之蔡伏溝又東積而爲淀

一水逕亭北又逕東平舒縣故城南代郡有平舒城故

加東地理志勃海之屬縣也魏土地記曰章武郡治

故世以爲章武故城非也又東北分爲二水一右出

爲淀

案一下近刻有水字

一水北注潏沱謂之潏口清漳亂流

而東注于海

清漳水出上黨沾縣西北少山大要谷

案要近刻訛作甌

南過

縣西又從縣南屈

淮南子曰清漳出謁戾山

案謁近刻作謁

高誘云山在沾縣

今清漳出沾縣故城東北俗謂之沾山

案近刻訛作漳山

後

漢分沾縣爲樂平郡

案近刻脫後字

治沾縣水出樂平郡沾

縣界故晉太康地記曰樂平縣舊名沾縣

案近刻訛作舊名清

漳漢之故縣矣

案近刻脫縣字

其山亦曰鹿谷山水出大要

谷南流逕沾縣故城東不歷其西也又南逕昔陽城
左傳昭公十二年晉荀吳僞會齊師者假道于鮮虞
遂入昔陽杜預曰樂平沾縣東有昔陽城者是也其
水又南得梁榆水口水出梁榆城西大嶸山水有二
源北水東南流逕其城東南注于南水

案近刻
脫于字

南水

亦出西山東逕文當城北又東北逕梁榆城南即關

與故城也秦伐趙關與

案趙近刻
訛作韓

惠文王使趙奢救

之奢納許歷之說破秦于關與謂此也司馬彪袁山

松郡國志並言涅縣有關與聚盧諶征艱賦曰訪

梁榆之虛郭弔關與之舊都

案近刻訛作平

關駟亦云關與

今梁榆城是也

案關駟二字近刻訛作極字

漢高帝八年封馮解散

爲侯國

案近刻作爲關氏侯國當是後人據史記所增

其水左合北水

案左近刻

訛作

北水又東南入于清漳清漳又東南與轅水相

得轅水出轅陽縣西北轅山

案轅陽近刻訛作轅河下同

南流逕

轅陽縣故城西南東流至栗城注于清漳也

東過涉縣西屈從縣南

案涉近刻作沙漠志亦作沙漠涉字形相似而三國志有

涉長之稱
今從原本

按地理志魏郡之屬縣也漳水于此有涉河之稱蓋

名因地變也

案近刻脫
河字蓋字

東至武安縣南叅寔邑入于濁漳

水經注卷十